



UGOVOR o javnoj nabavci usluga javnog oglašavanja

KJKP Sarajevogas, Sarajevo, Trg Fadile Odžaković Žute 4, Sarajevo
Koga zastupa: Direktor Preduzeća Mr.sc. Nihada Glamoč, dipl.ing.maš,(u daljem tekstu:Kupac)

i

JP NIO Službeni List BiH, Sarajevo, Džemala Bijedićs 39/III, 71000 Sarajevo,
Koga zastupa: Direktor Dragan Prusina (u daljem tekstu: Prodavac)

Član 1.

Predmet ovog Ugovora je nabavka usluga oglašavanja u poslovnoj 2018 godini, po provedenom postupku nabavke koji je izuzet od primjene Zakona o javnim nabavkama BiH, broj: IZJN-05-04/18. Prodavac usluga je dostavio ponudu prema specifikaciji Kupca br. SP-OJ04-IZJN-05-04/18-01, koja je sastavni dio ovog ugovora.

Član 2.

Ugovorna vrijednost usluga iz člana 1. ovog ugovora bez PDV-a iznosi: **7.234,08 KM (slovima: sedamhiljadadvjestotinetricesetiri i 08/100KM)**, a jedinične cijene su specificirane u ponudi prodavca prema specifikaciji kupca broj: SP-OJ04-IZJN-05-04/18-01.

Član 3.

Prodavac će usluge iz člana 1. izvršavati nakon zaključenja ovog ugovora. Ugovorne strane su saglasne da se kvantitativni i kvalitativni prijem izvršenih usluga oglašavanja izvrši od strane ovlaštenih predstavnika svake ugovorne strane.

Član 4.

Prodavac nije ovlašten da zaključuje podugovore sa drugim licima u cilju realizacije ugovorenih obaveza bez predhodnog pismenog odobrenja kupca.

O svakom povećanju ili smanjenju cijena mjesečnih kupona prodavac je dužan blagovremeno obavijestiti kupca.

Član 5.

Prodavac će obračun eventualno izvršenih usluga oglašavanja vršiti po jediničnim cijenama iz svoje ponude koja je sastavni dio ovog ugovora. Kupac će plaćanje, nakon ispostavljenosti poreski ispravne fakture, izvršiti u roku od **15 dana** po prijemu fakture na transakcijski račun prodavca naveden na fakturi.

Član 6.

Kupac i Prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorene strane.

Član 7.

Prodavac je u obavezi da odmah nakon dobivanja narudžbe od strane kupca izvrši uslugu iz čl.1. ovog ugovora. Za svaki dan zakašnjenja u izvršenju usluge kupac će zaračunati penale u iznosu od 1%, s tim da ukupni iznos penala ne može biti veći od 5% ukupne vrijednosti ugovora.



Član 8.

Ukoliko kupac u ugovornom roku iz člana 5. ovog ugovora ne plati cijenu za izvršene usluge obavezan je prodavcu isplatiti i zateznu kamatu u skladu sa zakonom i drugim propisima koji uređuju ovaj institut.

Član 9.

Ovaj ugovor se zaključuje na period trajanja od (1) jedne godine računajući od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana..

Član 10.

Ugovorne strane su saglasne da prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke nadležnoj za dodjelu navedenog ugovora o javnoj nabavci.

Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

Član 11.

Na sve odnose i institute koji nisu navedeni u ugovoru, a pojave se prilikom realizacije, primjenjivati će se odgovarajuće odredbe Zakona o obligacionim odnosima.

Član 12.

Ovaj Ugovor stupa na snagu danom potpisivanja od strane obje ugovorene strane, a sačinjen je u 4 (četiri) istovjetna primjeraka, od kojih svaka ugovorena strana zadržava po 2 (dva) primjerka.

Član 13.

Sve nesporazume do kojih dođe u realizaciji ovog Ugovora, ugovorne strane će rješavati dogovorom ili putem arbitražne komisije. Ukoliko se nastali spor ne može riješiti prema navedenom, spor će rješavati nadležni sud u Sarajevu.

Za Prodavca:

Direktor

Dragan Prusina

Broj ugovora: 5-1-5-A-513-18

18. 01. 18



Za Kupca:

Direktor Preduzeća

Mirso Nihada Glamoč, dipl.ing.maš.

Za šefa direktor

Mehmed Mehović, dipl.oec.

Broj ugovora: 08/18

15-01-2018

